

# Asosashon Adventista di Shete Dia Kòrsou

Barbadosweg # 11

Telefoon: 888-1359 / 888-3478

Email: [sdaconferencia@adventistcc.org](mailto:sdaconferencia@adventistcc.org)



## NOS TIN UN ALTERNATIVA MAS

Estimado rumannan

Ku e grasía i poder di nos Señor Hesu-Kristu por ta ku kada un di rumannan. Mediante e karta aki nos ke informá rumannan ku apartir di día 22 di Yanüari 2022. Asosashon atraves di **Radio Speransa Korsou** lo ta bishitando tur nos iglesianan di Kòrsou. Kada dos siman di kada luna nos lo ta na un iglesia durante e momento di predikashon transmitiendo via streaming e kulto divino di e iglesia. Nos lo ta usando e plataformanan di **Facebook** i **Youtube** pa por ministrá na kada ruman ku pa un òf otro motibu no por yega kulto di adorashon na misa.

Meta di nos bishita ta (1) Sera henter hermandat konosí ku e iglesia kaminda nos lo bai ta (2) Proveé un alternativa di adorashon i edifikashon spiritual èkstra pa tur ruman ku no por yega servisio debí na malesa òf kualke otro desafío (3) Pone predikashon / kulto divino - djis den un “klik” alkansabel pa tur ruman (4) brinda tur hende un alternativa ku durante siman òf ora ta mas kumbiniente nan por tin aksesu na dje pa risibí kuminda spiritual. Ku otro palabra ounke nan no tabata na iglesia di manera presensial (por ehèmpel pasobra nan mester traha na hòspital sabat mainta i a pèrdè e sirbishi, nan por “catch-up” tòg i haña e sirbishi ku nan a pèrdè. (5) brinda Iglesianan ku ta será pa kousa di miembronan den kuarentena debí na Covid-19 un alternativa, nan por sigui e sirbishi “life” via Facebook òf Youtube.

Den resumen, atraves di e ministerio aki, Asosashon ta pone disponibel un alternativa mas pa nos miembresia, den kua nos miembronan ta wòrdu edifiká. Nos ke kurashá nos miembronan pa hasi uso di e varios alternativa i portanan ku Dios a habri via media den kua nos por risibí e palabra i wòrdu edifiká. Nos ke kurashá tur ku a kustumá skucha Radio Deltha pa sigui tende Radio Deltha ku ta hasiendo un tremendo trabou tur sabat; tambe tur radio eskuchanan ku ta sintonisá Radio Margaritha, sigui skucha mensahenan fortalecedor atraves di Radio Margaritha. Tuma nota ku kada alternativa ta brinda algu sumamente speshal. Radio Deltha su programashon ta ser presentá for di su sede tur sabat. Nan ta kuminsá na Radio Deltha i despues sigui pa nan lokalidat na sede di ABVO. Nan ta brinda mensahe di speransa pa rònt Kòrsou for di ondanan radial te den bo outo, kas etc. Radio Deltha no ta bishitá iglesianan. Radio Margaritha na su turno ta transmití for di su sede riba na tur oyente via radio i e plataforma virtual. Rumannan di tur parti ta gosa sintonisando kulto divino tur sabat. Radio Speransa na su turno lo ta pasando na kada iglesia ku streaming di manera ku bo

ta sera konosí ku un iglesia tur sabat via streaming i/òf imagen visibel. Bo ta eksperenshá sirbishi di adorashon i tambe un predikashi speshal kada sabat for di un iglesia diferente.

Ku Dios den su gracia por bendishoná kada ruman segun kada sabat nos ta skucha, mira i ekspereshá un iglesia diferente según nos ta pasa den un gira rònt Kòrsou. Ku nos por skucha Dios su bos kada sabat mainta mientras nos ta adorá Dios na diferente iglesianan.

Ku e gracia di Dios i su gran amor por permanesé ku kada un di ruman.

Kòrdialmente,

Dr. Cherrel Francisca

Presidente